

## DOMINGU VI TEMPU KOMÚN – TINAN C

### Tema

Maromak nia Liafuan ne'ebé propoin mai ita domingu ida-ne'e, lori ita atu reflète kona-ba protagonizmu ne'ebé Maromak no ninia proposta iha ba ita-nia moris.

*Leitura dahuluk* tau iha konfrontu autosufisiénsia ne'ebé ema balun iha hodi sees an husi Maromak no hili atu la tuir ninia proposta sira, ho ema sira ne'ebé hili atu konfia iha Maromak no entrega sira-nia an iha ninia liman. Profeta Jeremias aviza katak haketak an husik Maromak signifika la'o iha dalan mate nian no hakribi ksolok no moris nakonu.

*Evanjellu* proklama “haksolok” ema sira ne'ebé hari'i sira-nia moris iha valór sira ne'ebé Maromak propoin no ksolok-laek sira ne'ebé prefere egoíзму, orgullu no autosufisiénsia. Evanjellu sujere katak Maromak nia preferidu mak sira ne'ebé moris iha simplisidade, iha umildade no iha debilidade, maski, tuir mundu nia kritériu sira, ema sira-ne'e desgrasadu, marjinál, la iha kbiit atu halo emboot sira ne'ebé kaer mundu nia destinu rona sira-nia lian.

*Leitura daruak*, hodi ko'alia kona-ba moris-hi'as – konsekuénsia husi Kristu nia moris-hi'as –, sujere katak ita labele lee ita-nia moris tuir loos de'it kritériu sira mundu ne'e nian: ita-nia moris atinji ninia sentidu nakonu no totál bainhira, hodi moris-hi'as, ita natubu ba Ema Foun. Ida-ne'e akontese de'it se ita la konforma an ho mundu ne'e nia lójika, maibé lori ita-nia ezisténsia ba Maromak no ba moris nakonu ne'ebé Nia iha mai ita.

### LEITURA I – Jer 17, 5-8

Versíkulu sira ne'ebé forma leitura ida-ne'e halo parte ba bloku ida Jeremias nia fraze sira (kf. Jer 17, 5-13), aprezente ho estilu lia dadolin matenek-na'in sira-nian. Profeta uza antíteze atu dezenvolve tema konfiansa/esperansa.

Jeremias nia liafuan sira-ne'e la fó element sufisiente sira atu ita situa ninia kontestu istóriu. Maski nune'e, bele dehan katak profeta hato'o liafuan sira-ne'e iha Joaquim nia ukun (609-597 mK.): época ida iha-e'ebé liurai dezenvolve polítika halo aliansa ho kbiit estranjeira sira no konfia nasaun nia seguransa , la'ós ba Jahwéh, maibé ba ezérsitu Ejitu nian, Joaquim nia aliadu sira. Profeta ataka polítika ida-ne'e, hodi konsidera sintoma grave infidelidade nian ba Maromak nia aliansa: Judá la tau ona konfiansa no esperansa iha Maromak, maibé iha ema sira.

### MENSAJEN

Tema fundamentál mak konfiansa/esperansa. Parte dahuluk antíteze nian (vers. 5-6) denuncia ema ne'ebé sadere ba ema seluk no haketak an husi Maromak. Ida-ne'e lakohi dehan katak ita labele konfia iha sira-ne'ebé hale'u ita no sadere ba sira; buat ne'ebé hakarak denuncia mak umanidade nia autosufisiénsia ne'ebé la presiza ina Maromak, no la haree ona iha Nia, fatuk-inan seguru be'ebé bele tahan buat hotu. Haketak an husi Maromak no la surah o Nia signifika hari'i ezisténsia limitada, liu lais, krekas, falta esesnsiál. Hanesan ai-oan ida kuda iha rai-maran, ne'ebé nia destinu mak mate sedu.

Parte daruak antíteze nian (vers. 7-8) apresenta, ho ilas, ema ne'ebé konfia iha Maromak nia moris no tau nia esperansa iha Nia: nia hanesan ai-hun ne'ebé kuda iha bee ninin, nia abut bele nani kle'an no hetan moris nakonu. Ilas ne'e subliña, liuliu, seguransa, solidés, dame, fekundidade, moris iha abundánsia.

Opozisaun entre rai-maran no natar bele lori ba opozisaun entre rai-fuik maran no Rai Prometida: se Israel konfia iha Maromak, nia sei tau nia abut ho forma permanente iha Rai Prometida no sei la experimeta aventura ezíliu nian.

## **LEITURA II – 1 Cor 15, 12.16-20**

Testu ne'e mak kontinuasaun katekeze kona-ba moris-hi'as ne'ebé Paulo apresenta iha Surat Dahuluk ba Korintu sira no ita hahú ona lee iha domingu kotuk. Depoizde afirma Kristu nia moris-hi'as (kf. 1 Cor 15, 1-11), Paulo afirma realidade ita-nia moris-hi'as nian, Presza hanoin, iha kontestu ida-ne'e, buat ne'ebé dehan ona iha semana kotuk: moris-hi'as mate sira-nian, enjerál, konstitui problema sériu ida ba mentalidade grega, ne'ebé toman haree isin nu'udar realidade negativa ida, ne'ebé dadur klamar iha mundu materiál; nune'e, isin – realidade isin nian, sensuál – labele tuir klamar atu buka moris nakonu, moris divina. Tan ema iha realidade negativa, ne'ebé labele sa'e ba moris naonu, oinsá admite ema integrál nia moris-hi'as?

Ida-ne'e mak kestaun ne'ebé Paulo kontinua hatán iha leitura ne'ebé propoin mai ita.

### *MENSAJEN*

Ba Paulo, bainhira admite ona Kristu nia moris-hi'as, sarani sira nia moris-hi'as mós impoin ho modu evidente. Fiar iha Kristu ne'ebé moris hi'as lori ba esperansa metin katak sarani sira mós sei moris hi'as. Nia kontráriu mós loos: la hein iha mate sira nia moris-hi'as hanesan ho la fiar ho Kristu nia moris-hi'as. Buat rua ne'ebé labele haketak malu.

Hafoin Paulo hahú halo lista konsekuénsia sira ne'ebé sei mosu ba moris sarani, se Kristu la moris hi'as: moris fiar nian no aseitasaun ba Jezús nia proposta sira sei la iha sentidu no sarani sira sente katak ema lohi sira, “ema kasian liu hotu” (vers. 19). Maibé Paulo iha serteza katak sarani sira la'ós ema lubun-boot ida ne'ebé deziludida... Husi Kristu nia moris-hi'as, it abele fiar iha moris nakonu ne'ebé Maromak rezerva ba ema hotu ne'ebé hadomi Nia. Iha perspetiva ida-ne'e mak fó sentidu ba dalan ne'ebé ema sarani halo iha mundu ida-ne'e.

Paulo, husi ne'e, para atu lansa hakilar ksolok fiar no esperansa nian: “Kristu moris husi mate sira, nu'udar fuan-dahuluk sira husi sira ne'ebé mate ona” (vers. 20). Jezús moris hi'as la'ós nu'udar ida mesak, maibé Nia mak uluk husi korrente naruk ida ne'ebé ita halo parte bá. “Dahuluk” ida-ne'e labele entende iha sentidu kronológjiku, maybe iha sentidu katak Kristu mak prinsípiu ativu ita-nia moris-hi'as nian, prinsípiu ne'ebé hahoris umanidade foun iha-ne'ebé mate sira nia kbiit laiha ona podér. Nia dada tuir nia umanidade solidária ho Nia, to'o ba realizasaun nakonu, vida definitiva, salvasaun totál.

## **EVANJELLU – Lc 6, 17.20-26**

Atu ita entende testu ne'e nia signifkadu tomak, ita tenke hanoin katak nia situa iha parte dahuluk Evanjellu Lucas nian (“Jezús nia atividade iha Galileia”, Lc 4, 14 – 9, 50). Iha parte dahuluk Evanjellu nian, Lucas buka apresenta anúnsiu dahuluk kona-ba Jezús (“kerigma”) no define programa libertasaun ne'ebé Mesias sei kumpri afavór ba ema hetan opresaun. Aliás, parte dahuluk Evanjellu Lucas nian, epizódiu sinagoga Nazaré nian mak domina, iha-ne'ebé

Jezús fó sai ninia programa: “Na’i nia Espíritu iha Ha’u tanba nia kose mina mai Ha’u, atu haklaken Liafoun Di’ak ba kiak sira; nia haruka Ha’u atu haklaken libertasaun ba ema dadur sira ...” (Lc 4, 18-19).

Lucas nia rahun-di’ak sira integra iha ambiente ida-ne’e: libertasaun ne’ebé to’o ho Jezús no diriji ba ema kiak no fraku sira. Iha rai-tetuk ida (Mateus situa diskursu rahun-di’ak sira-nian iha foho), ho eskolante sira hale’u no ema lubun-boot ida hale’u Nia “ ne’ebé halai ba rona Nia no hetan isin di’iak husi sira-nia moras” (Lc 6, 18), Jezús halo diskursu ne’ebé ohin Evanjellu propoin mai ita.

### *MENSAJEN*

Lucas hahú ho rahun-di’ak haat (ekibale ho 9 Mateus nian). Destinatáriu make ma kiak sira, hamlaha sira, sira ne’ebé tanis, sira ne’ebé ema duni ka persege. Liafuan grega Lucas uza ba “kiak” sira (ptôchos) tradús iha liafuan balun iha ebraiku (‘anawim, dallim, ebionim), ne’ebé iha Testamentu Tuan, define klase ida ema sira nian ne’ebé la hetan soin sira tanba ema kbiit-na’in sira no ema riku sira nia violénsia. Sira la hetan protesau, sira ema esplora, ema ki’ik la iha lian, sira mak vítima injustisa nian, ne’ebé dalabarak ema kbiit-na’in halakon sira-nia direitu sira no sira-nia dignidade. Tanba ne’e mak sira hamlaha, tanis, hetan persegisaun. Sira mak destinatáriu dahuluk Maromak nia salvasaun. Tanba sá? La’ós tanba Maromak nia proposta libertadora ba klase sosiál ida eskuzivu, maybe, tanba sira moris iha situaun intoleravel frakeza nian no Maromak, iha ninia laran-di’ak, hakarak hasuli ba sira ninia mizerikórdia, ninia salvasaun, nia laran-luak. Hafoin, Maromak nia salvasaun diriji prioritariamente ba sira-ne’e, iha sira-nia simplisidade, umildade, disponibilidade no hamamuk an, sira nakloke liu atu simu Maromak nia proposta sira liuhusi Jezús.

Iha linguajen seluk, rahun-di’ak sira manifesta buat ne’ebé Jezús hateten ona iha inísiu ninia atividade iha sinagoga Nazaré nian: Aman haruka Ni aba mundu, ho misaun atu liberta ema iha opresaun laran. Ba sira ne’ebé ki’ik lakon direitu no dignidade, ema simples no haraik-an, Jezús dehan katak Maromak hadomi sira ho forma espesiál no hakarak oferese vida no liberdade nakonu. Tanba ne’e mak sira ema “rahun-di’ak”.

“Malisan” sira” (eh “susar” sira) ba ema riku ne’ebé prienxe parte daruak Evanjellu ohin nian mak medulla nia sorin seluk. “Susar ba imi” ne’e denunsia lójika ema ne’ebé hanehan ema seluk, ema ne’ebé kbiit-na’in, sama ema seluk, hakmatek de’it. Fuan nakonu ho orgullu no autosufisiénsia no la disponivel atu simu buat foun revolusionáriu “Reinu” nian. Adverténsia ba ema riku sira la signifika katak Maromak la iha proposta salvasaun hanesan ne’ebé nia apresenta ba ema kiak no fraku sira; maybe signifika katak, se sira hela metin iha lójika egoíзму nia, prepoténsia nian, injustisa nian, autosufisiénsia nian, sira la iha fatin iha “Reinu” ne’ebé Jez’us mai propoin.